

Forslag til uttale fremmet av Alna, Grorud og Bjerke SV.

1 **Ta med levekårsutsette område i barnehagesatsinga!**

- 2 Regjeringa lova under valkampen at maksprisen i barnehagar skal settast ned til 2000 kr i
3 heile landet. I dei aller minst sentrale kommunane skal dessutan prisen ned heilt til 1500 kr.
4 Dette skal komma i forslag til statsbudsjett for 2024, og skulle i følgje valkamputspelet gjelde
5 frå 01.08.2024.
- 6 SV har alltid kjempa for lågare barnehageprisar. Vi er glade for at regjeringa nå tar grep på
7 dette området. Lågare barnehageprisar for alle er ekstra viktig i ei tid kor rentesjokk og dyrtid
8 trugar vanlege folk sine levekår og kjøpekraft. Å sette prisane ekstra lågt i dei aller minst
9 sentrale kommunane er i utgangspunktet fornuftig, fordi det er eit viktig mål for Noreg å halde
10 opp folketallet i dette området.
- 11 Derimot meiner SV at det er kunstig at ikkje også dei områda i Noreg med størst opphopning
12 av levekårsutfordringar blir ein del av den lågaste makspris-satsen. Gjennom Meld. St. 28
13 (2022-2023) har regjeringa nyleg satt fokus på ei urovekkande opphopning av
14 levekårsutfordringar i bydelar i mange norske storbyar. Det handlar om inntektsnivå,
15 utdanningsnivå og om at mange med dårlege norskferdigheiter bur her. Samstundes held
16 meldinga fram at barnehagesatsing er eit viktig tiltak for ungane som veks opp her. Sjølv om
17 dei fleste ungane også i desse områda går i barnehage, viser tala at ungar med
18 minoritetsbakgrunn startar seinare og går kortare i barnehage enn andre ungar.
- 19 I dag er det områdesatsingar med statleg delfinansiering i Groruddalen, Oslo sør, Grønland og
20 Tøyen, i tillegg til utsette bydelar i Trondheim, Bergen, Stavanger og Drammen. Fleire andre
21 er under oppsegling.
- 22 Frå 2007 til 2014 var det ei ordning med gratis kjernetid, i praksis halv pris på barnehageplass
23 i bydelane i Groruddalen og Søndre Nordstrand. Det førde til at mange fleire barn gjekk i
24 barnehagen. Følgjeforskinga på dette viser gode resultat, ved at barna som var ein del av
25 denne ordninga gjer det betre på skulen enn ungar med lik bakgrunn som ikkje var det. Dette
26 viser at prisen påverkar barnehagedeltakinga, og at barnehagedeltaking påverkar korleis det
27 går på skulen og kva moglegheiter ungane får vidare i livet.
- 28 Oslo SV meiner derfor at SV gjennom forhandlingane om statsbudsjett må ta kampen for at dei
29 områda som har statlege områdesatsingar også skal komma inn under den lågaste makspris-
30 satsen. Viss det er nokon som treng ekstra låge barnehageprisar, er det ungane som veks opp
31 her.